

民國文獻資料叢編

民國
舊體詩詞
期刊三種

南江濤
選編

國家圖書館出版社

南江濤 選編

民國舊體詩詞期刊三種

第九冊

國家圖書館出版社

北京餘園詩社 輯

雅言

癸未卷四—甲申卷二

北京：雅言社，1943—1944，鉛印本

第九冊目錄

雅言	癸未卷四		一
雅言	癸未卷五、六		六七
雅言	癸未卷七		一七五
雅言	癸未卷八		二四七
雅言	癸未卷九、十		三一五
雅言	癸未卷十一、十二		四二七
雅言	甲申季刊卷一		四九九
雅言	甲申季刊卷二		五七五

雅言

集漢張遷碑

癸未卷四

叙例

永歌言志。肇自虞書。緝頌刪詩。昉乎公旦。歲歷繇曠。條流遂紛。斧藻群言。厥惟蕭選。古詩之賦。全取其名。衆制之中。兼包各體。凡事出沈思。義歸翰藻。皆與篇什雜而集之。後世總集。濫觴於此。間氣英靈。八種。選自唐賢。羣公衆芳。諸編行於宋代。河間四庫。嗤爲標榜之先驅。邗上題襟。謂補前人之墜典。臧否雖殊。別裁則一。今之雜誌。具體而微矣。乃者歲當龍尾。家握蛇珠。性靈多陶冶之資。聲氣叶應求之雅。草堂雲壑。與世相忘。吟社月泉。其人宛在。加以西崑南嶽。並著倡酬。北地東溟。爭圖主客。元音所萃。正軌斯存。不有縹囊。曷羅紺帙。爰成小牘。冀蔚鉅觀。甄采限於時流。蒐討及乎故事。遺編可錄。類沅湘耆獻之徵。名下非虛。傳湖海詩文之作。爲疏短引。略紀大凡。

一是編爲北京餘園詩社所緝。洙泗之教。詩與書禮。並屬雅言。而詩爲稱首。故以雅言標目。

一是編雖以詩爲主。但有專門以盡其長。亦宜博涉以昭其趣。凡題跋遊記之屬。有資考古。不厭多聞。如有佳文。亦當采錄。

牙言卷四
一自來別集編次。皆詩先於文。茲從其例。以篇什居先。文辭列後。
一是編所錄。多屬時賢。詩與史通。不嫌斷代。文以會友。常有同情。
一是編詩文。雖限時賢。然或掌故記述。事物源流。亦須兼采前脩之作。以資商榷。
一是編自庚辰年正月。起月刊一冊。年爲十有二冊。如有鴻篇鉅製。可單行者。隨時
別出。用爲特刊。

雅言癸未卷四目錄

詩錄

東瀛采風錄

讀杜偶得

雙鑑樓羣書雜詠

藏園羣書題記

朱少河先生雜箸

詩錄

八十感言

予向

我誕乙丑年。莫算猶甲子。應候知春遲。墮地得歲始。啖惟蔗自甘。拙迺穀可恥。

榮期有生樂。蚩尤亦兵弭。幼承宗族賢。謂慎之修撰思永修業父母喜。楹書寶

世守。

白山春谷兩從祖著字詰文說

圖書稽衆史。經訓勤菑畬。農晦秉耒耜。棲神沕穆初。文獻

徵宋杞。俛仰數千載。彭篴胸息耳。八十學無成。炳燭心未已。雲山事臥游。簞迹

接遐軌。夙昔此微尚。行篋紛董理。金華余季居。邱壑頗清美。兒孫僑香島。海嶽

見滄峙。各安天一方。世亂怵流徙。魚鳥音書絕。荒歉呼庚癸。四境多瘡痍。憂思

積成疴。故人憐衰朽。念及牛馬齒。雖得賓朋歡。那能嚙清旨。當朝泰運回。壞劫

盡去否。榮敦復邦交。都邑輔車倚。庶瞻民困蘇。滌羣酒可醺。

癸未上巳大風偕藏園枝巢蟄園了厂約同人修禊畫舫齋分得閣字

娟淨

春禊修佳辰。風姨狂肆虐。楊柳折新條。海棠摧嫩萼。波翻太液池。艇子瓜皮閣。吾儕誠好事。峭寒踐斯約。稀齡得九老。曳杖健腰脚。祭酒老鄭虔。杖朝猶矍鑠。衣冠集龐皓。滄浪纓可濯。詎能祓不祥。通辭微波託。俛仰濠濮間。惟羨游魚樂。

福飲泉

節之

蓮峯絕壁下。清泉流汨汨。三尺深見底。飲者云獲福。余乃掬以嘗。甘芳驚所獨。入口性嘗溫。下咽香猶馥。徒以荒僻居。過客鮮寓目。蕪沒榛莽間。無復知清淑。寂寂蘭蕙香。終古闕空谷。荊璞識者稀。楚人抱之哭。寒冽應易占。豈得長淪洑。昔者清高宗。品泉最精熟。會合天下泉。一一登升斛。謂泉味愈甘。重量必愈縮。玉泉質最輕。名遂第一屬。酌此歸京師。持與相角逐。瓶杯細評量。分毫亦紀錄。玉泉重十分。福飲十不足。輕重既分明。重者宜屈服。玉泉重一兩二錢九分。福飲一兩二錢五分。更用小杯爲量。玉泉一錢七分四釐。福飲則一錢六分七釐。天下第一碑。高矗西山麓。倘移樹海濱。一洗泥塗辱。

挽石遺丈十首

舊作

繁霜

經師例上壽。胡爲不悠遺。舉世不讀書。失君真可悲。車載老嬰鑠。驟然成睽離。
何事甘首邱。九原無鼓鼙。
歸船帶書局。期以兩月至。藝文三百載。猶待補鄉志。籃輿纔就飲。頓與世相棄。
恃健奴羣醫。一瞑等兒戲。
八閩論詩派。七琴而三琶。松寥不足尊。秋江非所誇。曠代梅都官。正聲不停撾。
下視徐庾塵。巋然成一家。
海濱治樸學。星鳳燦可數。苟能振其緒。一變卽鄒魯。說詩引儒行。此義蓋已古。
莫詆鄭巢經。聲病出訓詁。
元詩有紀事。豈能無遼金。一笑領吾語。老夫力能任。惜哉近代詩。絕絃誰賞音。
歷亂一屋鞋。紙堆終難尋。
官家鑄銅圓。州縣受其累。萬鈔換一餅。吏治遂掃地。南皮實尸之。非君所有事。
著書何云云。毋迺近功利。

武昌就公飯。饜我必重肉。斜街小秀野。作客輒不速。割烹非有要。得飽謂已足。食單走天下。亦不醬瓿覆。

力貧爭一錢。縱欲要有趣。田廬差自給。無待問後顧。孫枝森成林。書種略擺布。况復有寅哥。何須嫁阿鶩。

蜀遊降鳥跡。亂山翠嶙峋。郊迎來是翁。絕倒天上人。烏尤別香宋。寺僧亦沾巾。涪萬聞杜鵑。死生兩遺民。

緬懷朱笥河。垂老發奇思。幔亭虛一席。主客商易位。又聞留香澗。吾父有題字。他年求刻石。併作先友記。

招隱詩二首

共和二十五年丙子

太昭

幽士閼礪峪。考槃卜貞吉。息景深崖涯。懷朴託抱一。譁禽虛岫中。遠躅合儔匹。矯首緬靈鷲。偃仰僊者室。逶迤白雲萌。滉漾山川出。流疾泉轉活。篁蔽薄逾密。甘棗纂溝岨。華實明瑟瑟。神籟契天律。嶽貌猶閒逸。玄覽豁無窮。家漠元化溢。

自然契優生。何用掇芝朮。俗士眯塵埃。顧彼中情栗。至道詎不期。外驚勤難畢。

與君葆華色。用固速朽質。

甘棗山在芮城中。條山南麓。恭水所發源也。水平出衆石罅間。齊作弱瀑布焉。

虛巘懸牢構。崖崿互以呈。神麗足棲足。杖策鼃旦乘。頻首生遼索。蟻狄幽壑興。胎禽厲清響。丹靄涌碧層。洄瀕淵意滿。深阻野趣生。追躡相牽扳。飄焉質賦輕。高雲永人懷。松菌與衷盟。泉冷眇孤慮。心跡澹雙清。深叢疏遠籟。靈府湛澈泓。靜定生元漠。返眎瑩去聲澈明。羽人居髣髴。萬世詎衰齡。兀體從槁木。結念集丹經。即此養生主。易之玄髮情。寂然衆念滅。寧有外務縈。至人不役物。毋用浮世榮。冥道吾喪我。詎但遺其名。

戲柯璜

太昭

浙士柯定礎。木強饒古貌。鳩舌不肯休。工談復善笑。不類江南客。不操中原調。作繪體獐惡。有時亦清要。自詡李龍眠。千年挾祕妙。爲書如盤蛇。與性同捩拗。雖則氣詰屈。卻能平矜躁。擲毫每得意。猿猴與同嘯。或云性所偏。或云名故釣。

十客十評鷺。觀者皆絕叫。人世每相多。我則不敢效。作詩寄南中。可用醒午覺。

故鄉親朋招我秋間旋歸。舉行重游泮水典禮賦謝。

鵜 龕

有清光緒甲申歲。年方弱冠。馳文場。督學臨郡。按科試。瑞安兵部聲名揚。

學政黃公體芳

瑞安人時官兵部侍郎

不佞病軀未痊復。精神萎靡瘠而疋。入場排分列堂上。坐於煖閣

之西傍。病魔隨之揮不去。昏沈終日難成章。使者下閣數巡視。問我何病言周

詳。再三溫語母焦急。高燒紅燭分其光。急就不遑計工拙。貢名上士列膠庠。采

芹詩什更番詠。兄先弟後母參商。

伯兄先一年癸未歲試泮元

使者期以蘇軾轍。高堂勗我

劉珪璋。桂枝攀得未探杏。莫能繩武徒慚惶。悠悠歲月等閒度。飽看滄海生紅

桑。父師墓門木久拱。閱年六十經風霜。泮水重游撫故事。親朋邀我秋還鄉。爲

受斯禮懼其廢。欲存告朔之餼羊。鬻字已鞠爲茂草。荒蕪不治明倫堂。少年同

學存有幾。唐巾襴帶不成行。斯文將喪吾亦老。那堪翹跂窺宮牆。清時純儒膺

異數。桐城張氏

英錢唐梁同書

文章勛業俛儕輩。後先項背遙相望。不才如武

何足算。徒增馬齒身猶康。祝宗無靈祈不死。嘻吁太息呼穹蒼。憶昔諄諄父師訓。言猶在耳終難忘。老大無成一回首。殊辜期望中心傷。爲報親朋頓首謝。慙慙厚意何堪當。河清許俟人而壽。鹿鳴重宴吹笙簧。待逢鄉舉一周甲。嘉賓式宴傾瑤觴。巴吟藉以爲左券。鄉人漫笑書生狂。

張祠扶春會分韻得新字

娟淨

遲春依然是我春。峭寒不勒花精神。壺公祠中春常在。年年光景回鮮新。庭東一株插晴昊。經雨怒發嬌殊倫。惟公詩語善摹寫。如初中酒乍點唇。我來坐久看不足。火急招邀無逡巡。豈知風姨妬絕艷。巧笑隔日迴深顰。有如楊妃春睡足。霓裳曲破驚胡塵。天際輕陰風未定。絳雲茜雪吹繽紛。落紅滿地不忍掃。燕支滴淚污階塵。世間好夢原如此。蔥蔥歡喜幻非真。主賓相對各嘆息。我獨惜花思其人。

三月旣盡藏園蟄雲約訪極樂寺更至三貝子花園看牡丹

娟淨

城中好花看不足。更尋極樂出西郭。國花堂是旃檀林。百本經雨半開落。新叢燕瘦遜嬾肥。趙粉鞵紅差綽約。商量結夏花雨軒。半日得閒殊不惡。村鳩逐婦喚雨來。石燕將雛隨風掠。老僧送客過虎溪。三人一笑矜腰脚。循堤更入貝子園。曲榭橫橋多改作。唯憐花好勝前游。春工於此力徧著。一叢猩紅瑪瑙盤。得意如人承新渥。遲開似待我輩來。還餘數朵才破萼。傾城顏色不可求。意外驚逢尤歡樂。暫時相賞勿相違。明日風光不如昨。

爲俞涵青題雲中縫城圖

巨溟

忠莫忠於順民意。義莫義於篤友誼。是氣浩然大且剛。放之便可塞天地。一自世衰道日微。牧民無術禍胚胎。龍蛇起陸殺機動。陣雲慘澹天爲霾。有司弁髦其職掌。聞寇先去退先返。甚或暮楚而朝秦。徒吸民膏以自養。友生二字更難論。黃金不多交不親。夙披肝膽相期許。睚眦即忘雷與陳。視等陌路情猶哿。入

室操戈果哉果。至人懲此廣絕交。環顧崎嶇足常裹。不分風塵瀕洞中。錚錚佼佼有兩雄。一爲吾宗遂園叟。一爲令尹曲江公。遂園異才天所授。廿載甘棠徧山右。移來鎖鑰雁門關。恰直天狼射北斗。孤城懸立山崔巍。攻者百計守者危。雷池一步誓不越。此身早辦城同摧。從天忽降奇男子。排難解紛投袂起。夤夜犇走兩軍前。爲民請命寧怯死。人生修短總由天。巡遠無恙豈偶然。救民救友一誠格。青史應書魯仲連。回思往事心如擣。功成悔不乞身早。斐兮斐兮抵隙來。坐令志士懷懷抱。山河依舊局翻新。故人宰木已凌雲。我談忠義人姍笑。騰有遂園淚暗吞。銜悲姑乞迂倪筆。爲貌邊陲風雨疾。斯人斯畫亙千秋。噫嘻四美德惟一。

癸未春禊藏園蟄雲娟淨諸公柬招北海茗飲風霾未赴補拈韻得雲字

蕤 衷

寒飈吹海穹垂雲。觚稜慘淡天氣氤。昏塵不掃禊何益。閉門甘謝大雅群。當年